

T 9297

3122

56

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY
SEP 2 1941

新編古今事文類聚卷之四十四

建安初 穆 和父編

羽蟲部

雉

羣書要語

鷄雉青黃鷄雉曰鷄走鳴雉曰鷄黃白

羣書要語 鷄雉青黃鷄雉曰鷄走鳴雉曰鷄黃白

祭宗廟 雞曰雞趾曲禮士相見之饋各執雞

注取其守介不矢節儀禮羽獸夏春各名夏

新編古今事文類聚卷之四十四

後集

建安祝穆和父編

羽蟲部

雉

羣書要語

鷄雉青質鷓雉五色鷓雉長尾走鳴雉黃色
呼鷺雉似山雞五采皆備成章曰

翬並爾雅

華蟲尚書

呂后名雉改曰野雞

史記如淳

注祭宗廟雉曰躡趾

曲禮

士相見之贄各執雉

注取其守介不失節

儀禮

羽畎夏翟注谷名夏

哈佛大學漢和圖書館珍藏印

書目

藏書

翟鳥名羽中旌旗故貢之禹貢有鳴雉鳴雉鳴

求其牡邶風雉之朝鳴尚求其雌小弁雉有擅

澤之鷓抱朴子

詩句春場鋪艾帳下馬雉媒驕李義山野雉翻

窺草杜山雉防求敵杜雉錦翼袞背選空腸老

雉挾春驕荆公錦衣綺翼何褫褫李白

古今事實

以雉名官

少皞氏以鳥名官五雉為五工正雉有五種左

進雉羹

彭祖姓篋名鏗帝顓頊之玄孫善養牲能調鼎

進雉羹於堯饗食之以壽考神仙傳

飛雉升鼎

高宗祭成湯有飛雉升鼎耳而雉祖已曰雉野

鳥也今升鼎遠方將有來朝者乎尚書大傳

獻白雉

周成王時越裳獻白雉去京師三萬里孝經援

神契漢平帝元始元年越裳重譯獻白雉一黑

雉二詔使三公薦宗廟

山梁雌雉

子曰山梁雌雉時哉時哉子路共之三嗅而作
有似山雌

山雌之肥其意得乎回之簞瓢癯如之何曰明
明在上百官牛羊亦山雌也閭閻在上簞瓢粹
茹亦山雌也何其癯揚子脩身

陳倉雉瑞

秦穆公時陳倉人掘地得物若羊非羊若猪非
猪牽以獻諸公道逢二童子童子曰此名為媪
常在地食死人腦若欲殺之以栢捶其首媪復
曰彼二童名為陳寶得雄者王得雌者霸陳倉

人捨媪逐二童子童子化為雉飛入平林陳倉
人告穆公穆公發徒大獵果得其雉又化為石
置之汧渭之間至文公為立祠名陳寶祠時有
赤光若流星集祠則若雄雉列異傳

作琴操

齊獨沐子七十無妻見雉雌雄相隨感之撫琴
而歌 衛侯女嫁於齊太子中道太子死傳母
曰且往當喪哀畢不肯歸終之以死傳母悔之
取女所自操琴於冢上鼓之忽有二雉俱出墓
中傳母悲痛援琴作雉朝飛操

如臯射雉見美女門

以山雉為鳳見鳳門

飛雉隨車

蕭望之為郎有雉數十常隨車翔集

不捕雉雛

魯恭為中牟令翟雉馴於桑下有童子不捕之
曰雉方將雛掾肥親曰本來考君界有無蝗蟲
耳今蟲不犯境一異也化及鳥獸二異也豎子
有仁心三異也

諫帝射雉

魏辛毗從文帝射雉帝曰樂哉毗曰於陛下甚
樂於群下甚苦帝後為稀出 孫權數射雉潘
濬諫權權曰時時暫出耳不復如往日也濬曰
天下未定萬機務多射雉非急弦絕指破皆能
為害乃手自撤壞雉翳由是遂絕不復射雉

古今文集

雜著

射雉賦

潘岳

涉青林以游覽兮樂羽族之群飛聿采毛之英
麗兮有五色之名翬厲耿介之專心兮多侈雄

艷之姱姿巡丘陵以經畧兮畫墳衍而分畿於

是青陽告謝朱明肇授靡木不滋無草不茂初

莖蔚其曜新陳柯撼以改舊天泱泱以垂雲泉

涓涓而吐溜麥漸漸以擢芒雉鳴鳴而朝雒眇

箱籠以揭驕箱方而密籠負而疎密者不欲令

貌睨驍媒之變態奮勁骹以角搓骹脛也角邪

瞬悍目以旁睩鶯綺翼而頰搨灼繡頸而袞背

鬱軒翥以餘怒思長鳴以效能音耐爾乃凜揚

拄翳凜開除之名鳥場也停僮翳貌葱翠綠柏參差文翻

鱗次蕭森繁茂婉轉輕利裒料戾以徹鑿表厭

伊輒躡以密緻料插以柏葉如鳥翅魚鱗之相次

裏則有小隙可以徹鑿于外其恐吾游之晏起

游者媒名雉慮原禽之罕至甘疲心於企想分倦目

以寓視何調翰謂媒性之喬桀邈傳類而殊才

候扇舉而清叫扇布中也其野聞聲而應媒蹇

微罟以長眺罟翳隙已踉蹌而徐來摘朱冠之

赭赫敷藻翰之陪鯤貌怒首葯握綠素身控繡繪

青鞞鞞夾尾莎靡丹臆蘭粹或蹶或啄時行時

止班尾揚翹雙角特起良游媒也呢喔引之規裏

應叱愕立擢身竦峙捧黃間以密殼屬剛挂古

切驚矢以潛擬倒禽紛以迸落機聲振而未已

山驚似山雞悍害焮迅已甚越壑凌岑飛鳴薄

廩騎中盛擊牙低鏃心平望審毛體摧落霍若

碎錦逸群之雋擅場挾兩擲擊搏雌妬異倏來

倏往忌上風之餐切微動之畏映日之儻朗明

之狀言其忌屏發布而累息屏巾布而不徒心

煩而伎癢伎藝欲逞伊義鳥也媒之應敵啾獲地

以厲響彼聆音而逕進忽交趾以接壤彤盈窻

以美發紛首頰而臆仰或乃崇墳呼為塘也今夷

靡農不易壠梯菽叢糝翳蒼葦茸鳴雄振羽依

于其冢捫降丘以馳敵雖形隱而草動瞻挺穉

之傾掉意滄躍以振趾暇出苗以入場愈情駭

而神悚言野雉漸出草望厲合而翳晶雉胛肩

而旋踵言雉出苗望諸處厲然開合雉倏余志

之精銳擬青顛而點項擬射其頭亦有目不步

體邪眺旁剔靡聞而驚無見自鷺也疑周環迴復

繚繞盤辟戾零結反翳旋把把柄縈隨所歷曲縈

隨雉之行不見已才丑石于耻錄反中輟馥披逼馬中

猶復有雉性內無固守出不交戰來若處子去

如激電闕問藟葉

也 麥稍

慎歷乍見

反 胡練

於是筭

分銖商遠邇揆懸刀騁絕伎如轆如軒不高不

埤當味值曾裂嘑破背夷險殊地馴麤異變

有 雉

馴擾粗

是 不暇食夕不告勸昔賈氏之如臯始

解顏於一箭醜夫為之改貌憾妻為之釋怨彼

遊田之致獲咸乘危以馳驚何斯藝之安迄嗟

禽徒其已豫清道而行擇地而住

人多則雜驚 故僻除人從

清道而行擇善 地而住為場也

尾飾鑣而在服肉登俎而永御

豈惟阜隸此焉君舉

豈獨阜隸所為亦可 使君王舉而為之也

若乃

耽盤流遯放心不移忘其身恤司其雄雌樂而

無節端操或虧此則老氏之所誠而君子之所

不為

古詩

雉媒

元稹

雙雉在野時可憐同嗜欲一雉獨先飛暗被潛

羈束啖養能幾時返與它心腹置在芳草中翻

令誘同族前時相失者思君意彌篤遠見爾文

章知君草中伏和鳴忽相召又啄翳前粟斂翅

遠投君飛馳勢奔蹙罽挂在君前向君聲促促

信君決無疑不道君相覆

雉將雛

王建

雉咿喔雛出殼毛班班
背啄啄學飛未得一尺
高還逐母行旋母脚
麥壟淺淺難蔽身
遠去戀雛低怕人
時時土中鼓兩翅
引雛食蟲不相離

艾如張

李賀

錦襜褕繡襦彊彊啄食
哺爾雛壟東臥穗滿
風雨莫逐良媒壟西去
齊人織網如素空
張在野田平碧中
網絲漠漠無形影
誤爾觸之傷首
紅艾葉綠花誰剪刻
中藏禍機不可測

雉朝飛

李白

麥隴青青二月時
白雉朝飛挾兩雌
錦衣綺翼何離褫
犢牧採薪感之悲
春天和白日暖啄食
飲泉勇氣滿爭雄
鬪死繡頸斷雉子
班奏急管絃心傾
酒美盡玉椀枯楊
枯楊爾生羨我獨
七十而孤棲彈絃
寫意恨不盡瞑目
歸黃泥

杜鵑

羣書要語

一名雋周甌越間曰
怨鳥夜啼達旦血
漬草木凡鳴皆北向
爾雅江

介曰子規蜀右曰杜宇

師曠禽經啼苦則自懸

於樹自呼曰謝豹

張華注

杜鵑大如鵲而羽烏

其聲哀而吻有血土人云春至則鳴聞其初聲

則有離別之苦人惡聞之惟田家候其鳴則興

農事

華陽風俗錄

詩

又聞子規啼夜月愁空山

李白蜀道難

終

日子規啼

杜

傷春怯杜鵑

杜

催歸日未西

韓

子

規枝上月三更

崔塗

古今事實

望帝化杜鵑

蜀之先肇於人皇之際至黃帝子昌意娶蜀人

女生帝學後封其支庶於蜀歷夏殷周始稱王

者自名蚕叢次曰栢灌次曰魚鳧其後有王曰

杜宇宇稱帝號望帝自恃功德高乃以褒斜為

前門熊耳靈關為後戶王壘我眉為池澤時有

荆人鰲靈其尸隨水上荆人求之不可得鰲靈

至汶山下忽復見望帝帝立以為相後帝自以

其德不如鰲靈因禪位於鰲靈號開明遂自亡

去化為子鵑故蜀人聞子鵑鳴曰是我望帝也

寰宇記李膺蜀志大畧亦同

天津聞杜鵑

嘉祐末康節邵先生行洛陽天津橋忽聞杜宇
之聲嘆曰北方無此物異哉不及十年其有江
南人以文字亂天下者乎客曰聞杜鵑何以知
此康節曰天下將治地勢自北而南將亂自南
而北今南方地氣至矣禽鳥飛類得氣之先者
也聞見錄

古今文集

古詩

杜鵑

杜甫

西川有杜鵑東川無杜鵑涪萬無杜鵑雲安有
杜鵑我昔遊錦城結廬錦水邊有竹一頃餘喬
木上參天杜鵑暮春至哀哀叫其間我見常再
拜重是古帝堯生子百鳥巢百鳥不敢嗔仍爲
餒其子禮若奉至尊鴻鴈及羔羊有禮太古前
行飛與跪乳識序又知恩聖賢吾法則付與後
世傳君看禽鳥情猶解事杜鵑今忽暮春間值
我病經年身病不能拜淚下如迸泉

杜鵑行

杜甫

君不見昔日蜀天子化爲杜鵑似老鳥寄巢生
子不自啄群鳥至今與哺雛雖同君臣有舊禮

骨肉滿眼身羈孤業業竄伏深樹裏四月五月
偏號呼其聲哀痛口流血所訴何事常區區爾
豈摧殘始發憤羞帶羽翮傷形愚蒼天變化誰
料得萬事反覆何所無萬事反覆何所無豈憶
當殿群臣趨

茗溪漁隱云子美杜鵑二詩皆明皇幸蜀
還肅宗用李輔國謀遷之西內悒悒而崩
此詩感是而作

杜鵑行

司空曙

古時杜宇稱望帝魂作杜鵑何微細跳枝竄葉
樹木中搶翔瞥揆雌隨雄毛衣慘黑自憔悴衆
鳥安能相尊崇陋形不敢棲華屋短翮唯願巢
深叢穿皮啄朽觜欲秃苦饑始得食一蟲誰言
養雛不自哺此語亦足爲愚蒙聲音咽噦若有
謂啼號略與嬰兒同口乾垂血轉迫切似欲上
訴於蒼穹蜀人聞之皆起立至今相效傳微風
乃知變化不可窮豈思昔日居深宮嬪妃左右
如花紅

律詩

越上聞子規
范希文

夜入翠煙啼晝尋芳樹飛春山無限好猶道不
如歸

聞杜宇

宋子京

傳聞望帝冤底處最堪憐蜀月初殘夜巴山欲
曙天周軍嘗化鶴齊后亦為蟬物變皆如此非
君是偶然

子規啼

韋應物

高林滴露夏夜清南山子規啼一聲鄰家孀婦
抱兒泣我獨宛轉何為情

聞子規

杜荀鶴

楚天空闊月成輪蜀魄聲聲似告人啼得血流
無用處不如緘口過殘春

聞子規

羅鄴

蜀魄千年尚怨誰聲聲啼血向花枝滿山明月
東風夜正是愁人不寐時

詩話

評杜鵑詩

東坡云南都王誼伯謂子美詩西川有杜鵑東
川無杜鵑洛萬無杜鵑雲安有杜鵑蓋是題下
注斷自我昔遊錦城為句首誼伯誤矣且子美

詩備諸家體非必牽合程度侷侷者然也是篇
句處凡五杜鵑豈可以文害辭辭辭害意耶原子
美之詩類有所感者也亦六藝之比興離騷之
法歟按博物志杜鵑生子寄之他巢百鳥爲飼
之江東所謂杜宇曾爲蜀帝王化禽飛去舊城
荒是也且禽鳥之微猶知有尊故子美詩云重
是古帝魂又云禮若奉至尊子美蓋譏當時刺
史有不禽鳥若也唐自明皇以後天步多棘刺
史能造次不忘於君者可得而攷也嚴武在蜀
雖橫歛刻薄而實資中原是西川有杜鵑耳其
不虔王命負固以自抗擅軍旅絕貢賦如杜克
遜在梓州爲朝廷西顧憂是東川無杜鵑耳至
於涪萬雲安刺史微不可考凡其尊君者爲有
也懷貳者爲無也不在夫杜鵑真無無誼伯以
爲來東川聞杜鵑聲煩而急乃始疑子美跋壘
紙上語又云子美不應疊用韻子美自我作古
疊用韻無害於詩僕所見如此誼伯博學強辯
殆必有以折之也

鳥

羣書要語

鴛斯鴨鷓注楚鳥也又曰雅鳥小
而多群腹下白爾雅一名鴉同上

有白頸鳥廣志烏之白脰者南人謂之鬼雀鳴

則凶咎張華注禽經慈鳥曰孝鳥長則反哺其

母大觜鳥唇同上陳伯辯云慈鳥比他鳥微小

反哺之聲可聽大喙及白頸者皆不能反哺然

不謂之孝鳥東坡志材鳥之巨觜者善避矰弋

彈射禽經熒惑火精生朱鳥古今注所謂赤鳥

也抱朴子日中三足鳥陽數奇也同上日中有

跋鳥注跋獨躄止不行謂三足也淮南子瞻鳥

爰止于誰之屋正月具曰予聖誰知烏之雌雄

正月

詩句 丈人屋上烏烏好人亦好杜野鴉無意緒

鳴噪自紛紛杜擾擾復翻翻黃昏颺冷煙杜牧

蔓壘盤風下霜林接翅眠同上矯翼似知機盤

空如改齒歐饑鳥集成樓杜林鳥反哺聲杜鳥

噪聲攪攪韓有待至昏鴉杜鴉護落巢兒杜鴉

背夕陽多温飛卿獨立衡門秋水闊寒鴉飛去

日銜山竇鞏長安城頭頭白鳥夜飛延秋門上

呼杜我家白髮問烏鵲山谷鳥生八九子端坐

秦氏桂樹間 古樂府

古今事實

羿射九鳥

堯時十日並出堯命羿仰射十日中其九鳥皆死墮其羽翼 淮南子

舜孝鳥集

有虞至孝三足鳥集其庭 抱朴子

火流為鳥

武王渡河中流白魚躍入王舟中武王俯取以祭既渡有火自上復于下至于王屋流為鳥其

色赤魄

愛及屋鳥

武王登夏臺以臨殷民周公旦曰臣聞之愛其人及其屋上鳥憎其人者憎其除胥 太公六韜

鳥集曾冠

曾子至孝三足鳥萃其冠 家語

弄鳥親側

老萊子行年七十或弄鳥於親側欲之喜焉 孝子傳

師遁鳥樂

子元以車六百乘伐鄭諸侯救鄭楚師夜遁鄭人將奔桐丘謀告曰楚幕有烏乃止 晉侯伐齊齊師夜遁師曠告晉侯曰烏烏之聲樂齊師其遁注鳥烏空營故樂也左

待烏頭白 見還歸門

烏攫所食

黃霸使吏出小吏食道傍烏攫其肉還霸迎謂曰甚苦食於道傍乃爲烏攫肉吏大驚以爲霸盡知其起居

烏集府柏

朱博爲御史大夫先是御史府有列柏樹常有烏數千集其上朝去暮來

烏尾畢逋

桓帝時童謠曰城上烏尾畢逋一年生九雛公爲吏兒爲徒一徒死百乘車

立烏傷縣

東陽顏烏純孝後有群烏銜鼓集顏所居之村烏口皆傷一境皆以爲顏至孝即於鼓處立縣而名爲烏傷王莽改爲烏孝 異苑

遷官烏集

柳仲郢自拜諫議後每遷官群鳥大集於昇平里第庭樹戟架皆滿凡五日而散家人以爲候惟除天平軍節度不集果卒於鎮

古今文集

雜著

烏賦序

晉成公綏

有孝鳥集余之廬乃喟爾而歎曰余無仁惠之德祥禽曷爲而至哉夫烏之爲瑞久矣以其反哺識養故爲吉鳥是以周書神其流變詩人瞻其所集望室者瞻其爰止愛屋者及其增嘆茲蓋古人所以爲稱若乃三足德靈國有道則見國無道則隱斯乃鳳鳥之德何以加焉服惡鳥而賈生懼之烏善禽而吾嘉焉懼惡而作歌嘉善而賦之不亦可乎

靈鳥賦

梅聖俞

烏之謂靈者何噫豈獨是烏也夫人之靈大者賢小者智獸之靈大者麟小者駒蟲之靈大者龍小者龜鳥之靈大者鳳小者烏賢不時而用智給給兮爲世所趨麟不時而出駒流汗兮擾擾於脩途龍不時而見龜七十二鑽兮寧自保

其堅軀鳳不時而鳴烏啞啞兮招唾罵於里閭
烏兮來前事將兆而獻忠人反謂爾多凶凶不
本於爾爾又安能凶凶人自凶爾告之凶是以
爲凶爾之不告兮凶豈能吉告而先知兮謂凶
從爾出胡不若鳳之時鳴人不怪兮不驚龜自
神而剗殼駒負駿而死行智鷺能而日役體劬
劬兮喪精烏兮爾靈吾今語汝庶或汝聽結爾
舌兮勿睥睨往來城頭無爾累

後靈烏賦

梅聖俞

靈烏我昔閱爾之忠告人之凶遭人唾罵於時

不容覆巢彈類駟逐西東余是時作賦以弔汝
非乘爾困而責爾聰今也主人誤彈者去豐爾
食於太倉置爾巢於高樹晨雞不鳴百鳥爭慕
傍睨鳳凰下窺鸛鷺爾於此時徒能縱蒼鷹逐
狡兔不能啄叛臣之目伺賊壘之去而復憎鴻
鵠之不親愛燕雀之來附既不我德又反我怒
是猶秦漢之豪俠遠已不稱昵已則譽夫然吾
知分足而已矣又烏能顧

靈烏賦

并序

范希文

梅君聖俞作是賦曾不我鄙而寄以爲好因勉

而和之庶幾感物之意同歸而殊塗矣

靈鳥靈鳥爾之爲禽兮何不高翔而遠翥何爲
號呼于人兮告吉凶而逢怒方將折爾翅而烹
爾軀徒悔焉而亡路彼啞啞兮如愬請臆對而
心諭我有生兮累陰陽之含育我有質兮處天
地之覆露長慈母之危巢託主人之佳樹斤不
我伐彈不我仆母之鞠兮孔艱主之仁兮則安
度春風兮既成我以羽翰眷庭柯兮欲去君而
盤桓思報之意厥聲或異警於未形恐於未熾
知我者謂言之先不知我者謂凶之類故告之

則反災於身不告之則稔禍於人主恩或忘我
懷靡臧雖死而告爲凶之防亦由乘妓於庭懼
而脩德俾王之興雉怪于鼎懼而脩德俾王之
盛天聽甚邇人言曷病彼希聲之鳳凰亦見譏
於楚狂彼不世之麒麟亦見傷於魯人鳳豈以
譏而不靈麟豈以傷而不仁故割而可卷孰爲
神兵焚而可變孰爲英瓊寧鳴而死不默而生
胡不學太倉之鼠兮何必仁爲豐食而肥倉苟
竭丁吾將安歸又不學荒城之狐兮何必義爲
深穴而威城苟圮兮吾將疇依寧驥子之困於

馳驚兮驚駘秦於芻養寧駕雛之饑於雲霄兮
鴟鷲飫乎草莽君不見仲尼之云兮予欲無言
纍纍四方曾不得已焉又不見孟軻之志兮養
其浩然皇皇三月曾何敢以休焉此小者優優
而大者乾乾我烏也勤於母兮自天愛於主兮
自天人有言兮是然人無言兮是然

評靈烏

范文正公始以獻百官圖譏切呂申公坐貶饒
州梅聖俞時官旁郡作靈烏賦以寄所謂事將
兆而獻忠人返謂爾多凶蓋爲范公設也故公

亦作賦報之有云知我者謂亡之先不知我者
謂凶之類及公秉政聖俞又言意公必援已而
漠然無意所薦乃孫明復字泰伯聖俞有怨言
遂作靈烏後賦以責之畧云我昔閱爾之忠作
賦弔汝今主人誤豐爾食安爾巢而爾不復啄
叛臣之目伺賊壘之去反憎鴻鵠之不親愛燕
雀之來附意以其西師無成功世頗以聖俞爲
隘

石林燕語

評烏報吉凶

北人以烏聲爲喜鵲聲爲悲南人聞鵲噪則喜

聞鳥聲則唾而逐之至於弦弩挾彈擊使遠去
北齊書奚永洛與張子信對坐有鵲正鳴於庭
樹間子信曰鵲言不善當有口舌事今夜有喚
必不得往子信去後是夜琅琊王五使召之且
云敕喚永洛詐稱墮馬遂免於難白樂天在江
州荅元郎中揚負外喜鳥見寄詩曰南宮鴛鴦
地何忽鳥來止故人錦帳郎聞鳥笑相視疑鳥
報消息望我歸鄉里我歸應待烏頭白慙愧元
郎誤歡喜然則鵲固有善而烏亦能報喜也又
有和元微之大觜鳥一篇云老巫生奸計與鳥
意潛通云此非凡鳥遙見起敬恭千歲乃一出
喜賀主人翁此鳥所止家家產日夜豐上以致
壽考下可宜田農案微之所賦云巫言此鳥至
財產日豐宜主人一心惑誘引不知疲轉見鳥
來集自言家轉孳專聽鳥喜怒信受若長翁今
之鳥則然也世有傳陰陽局鴉經謂東方朔所
著大略先數其聲第一聲即是甲聲以十千數
之辨其急緩以定吉凶蓋不專於一說也

古詩

慈鳥夜啼

白居易

慈鳥失其母啞啞吐哀音晝夜不飛去經年守
故林夜夜夜半啼聞者爲沾襟聲中如告訴未
盡反哺心百鳥豈無母爾獨哀怨深應是母慈
重使爾悲不任昔有吳起者母歿喪不臨嗟哉
斯徒輩其心不如禽慈鳥復慈鳥鳥中之曾參
和大觜鳥
白居易

鳥者種有二名同性不同觜小者慈孝觜大者
貪慵觜大命又長生來十餘冬物老顏色變頭
毛白茸茸飛來庭樹上初但驚見童老巫生姦
計與鳥意潛通云此非凡鳥遙見起敬恭千歲
乃一出喜賀主人翁祥瑞來白日神聖占知風
陰作北斗使能爲人吉凶此鳥所止家家產日
夜豐上以致壽考下可宜田農主人富家子身
老心童蒙隨巫拜復祝婦姑亦相從燕雞薦其
肉敬若禋六宗鳥喜張大觜飛接在虛空鳥既
飽腥膻巫亦享甘濃鳥巫互相利不復兩西東
日日營巢窟稍稍近房櫳雖生八九子誰辨其
雌雄群雛又成長衆觜逞殘兇探巢吞燕卵入
簇啄蚕虫豈無乘秋隼羈絆委高墉但食鳥殘
肉無施搏擊功亦有能言鸚翅碧觜距紅暫曾

說鳥罪囚閉在深籠青青窻前柳鬱鬱井上桐
貪鳥占棲恩慈鳥獨不容慈鳥爾奚爲來往何
憧憧曉去先晨鼓暮歸後昏鍾辛苦塵土間飛
啄禾黍叢得食將哺母饑腸不自充主人憎慈
鳥命予削彈弓弦續會稽竹丸鑄荆山銅慈鳥
求母食飛下爾庭中數粒未入口一九已中曾
仰天號一聲似欲訴蒼穹及哺日未足非是惜
微躬誰能持此冤一爲問化工胡然大觜鳥竟
得天年終

巢鳥

張先文監

烏啼東南林危巢雛五六心在安巢枝一日千
往復脫網得群食入口不入腹窮生俾反哺豈
能報成育

烏生八九子

梁劉孝威

城上烏一年生九雛毳毛不自暖張翼強相呼
羽成翮備各西東丁年賦命有窮通不見高飛
帝輦側遠託日輪中尚逢王吉箭猶嬰唐羿弓
豈如變來救燕質入夢祚昭公流聲表師退集
幕示營空靈臺已鑄象流蘇時候風

烏夜啼

李白

說見歌曲門

庭樹烏爾何不向別處栖
夜夜半當戶啼
家人把燭出洞戶
驚棲出群飛
落樹一飛直欲飛
上天回回不離舊
栖處未明重繞主人屋
欲下空中黑相觸
風飄雨濕亦不移
君家樹頭多好枝

烏夜啼

李白

黃雲城邊烏欲棲
歸飛啞啞枝上啼
機中織婦秦川女
碧紗如煙隔窻語
停梭悵然憶故人
獨宿孤房淚如雨

烏棲曲

李白

姑蘇臺上烏棲時
吳王宮裏醉西施
吳歌楚舞歡未畢
青山猶銜半邊日
銀箭金壺漏水多
起看秋月墜江波
東方漸明柰樂何
律詩

馬當呼鷓不至

余安道

昔年曾泛馬當灣
團飯喚鴉篙楫間
今日江邊飛不下
應知人世足機關

晚風寒林

楊廷秀

已是霜林葉爛紅
那禁動地晚來風
寒鴉可是

矜渠黠踏折枯梢不墮空

詩話

全樹借棲

李義府始召見太宗令詠烏云日影颺朝彩琴
中聞夜啼上林多少樹不借一枝棲帝曰吾將
全樹借汝豈惟一技本傳

鵲

羣書要語

鵲鵲醜其飛爾雅季冬之月鵲
始巢月令維鵲有巢維鳩居之召

南鵲知太歲之所莊說文鵲巢開口背太歲此非

才智任自然也博物志鵲巢知風之所起淮南

子乾鵲鵲也知來而不知往注知來歲多風則

巢於下枝而不知童子探其卵同上烏鵲填河

而渡織女同上乾鵲噪而行人至陸賈新語崑

山之下以至抵鵲監鐵論時久之家聞鵲聲皆

為吉兆曰靈鵲報喜天寶遺事

詩句月明星稀烏鵲南飛繞樹三匝無枝可依

曹孟德東立朝雨至南飛夜月明李孝真慈母

屢占烏鵲喜山谷鵲聲啞啞寧有知家人聽鵲

占歸期曾

古今事實

鵲巢俯窺

古之王者其政好生惡殺烏鵲之巢可俯而窺
荀子

失時則起

莊子曰鵲上高城危而巢於高枝之巔城壞巢
折凌風而起故君子之居世也得時則義行失
時則鵲起

立枯東向

孝武帝燕坐未央前殿新雨止東方朔執戟在
階傍屈指獨語上問之對曰殿後柏樹上有鵲
立枯枝上東向而鳴視之果然朔曰以人事言
之風從東方來鵲尾長傍風則傾背風則蹙必
當順風而立是以知也別傳

探鵲驚

晉王澄為荊州將之鎮送者傾朝澄見樹上鵲
巢便脫衣上樹探驚而弄之神氣肅然旁若無

占鵲聲急

魏管輅見安德令劉長仁占有鳴鵲來在閣屋
上其聲甚急各曰鵲言東北一婦昨殺夫牽引
西家到時果有東北同伍民來告鄰婦手殺其
夫詐言西家人與夫有嫌殺我壻也

鵲亦報凶

見鳥門

鵲化金印

張顥為梁相有山鵲飛翔化圓石顥推破之得
一金印文曰忠孝侯印

搜神記

鵲噪傳赦

正觀中黎景逸居空青山飼一鵲甚馴熟後景

逸被誣下獄有鵲於獄樓中下視景逸喜噪已
而果赦到官詰其由云路遙見一元衣素襟人
說三日赦必至乃鵲傳之也

朝野僉載

古今文集

古詩

驚鵲詩

并序

陳無已

辛巳夏四月庚戌日將宴與客追涼露坐有雀
群雛二三集垣下行且哺俄有鵲至自北俛啄
雀間初循循少焉得雀間遽攫一雛而升于垣
出雀不意悲鳴啾啾奮身抵鵲再三欲奪鵲竟

事類彙編後集卷五
是詩
磔雛以食不顧如得計然坐客歎息余感之賦

若奚不鷗吾知避而遷汝胡不狸吾知遠而馳
宵逋吾巢晨並吾枝懷毒姪凶初不汝期莽恭
拳拳甫笑嬉嬉情貌深厚孰從而追

異鵲并序

蘇子瞻

熙寧中柯侯仲常通守漳州以救饑得民有二
鵲棲其廳事訖侯之去鵲亦送之漳人異焉爲
賦此詩

昔我先君子仁孝行於家家有五畝園公鳳集
桐花是時烏與鵲巢穀可俯拏憶我與諸兒飼
食觀群呀里人驚瑞異野老笑而嗟云此方乳
哺甚畏鳶與蛇手足之所及二物不敢加至人
若可信衆鳥不我遐故知中孚化可及魚與蝦
柯侯古循吏悃悃真無華臨漳所全活數等江
干沙仁心格異族兩鵲巢其衙但恨不能言相
對空喳喳善惡以類應古語良非誇君看彼酷
吏所至號鬼車

律詩

野鵲

歐陽永叔

鮮鮮毛羽輝朝輝紅粉墻頭綠樹枝日暖風輕
言語軟應將喜報主人知

鵲

韓溉

纔見離巢羽翼開盡能輕颺出塵埃人間樹好
紛紛占天上橋成草草回幾度送非臨玉戶一
時傳喜到粧臺若教顏色如霜雪應與清平作
瑞來

新編古今事文類聚卷之四十四

後集

新編古今事文類聚卷之四十五

後集

建安祝穆和父編

羽蟲部

鶯

羣書要語

黃鸝倉庚也鳴即蠶生說文黃鳥
鸝鷁也或謂黃栗留幽州謂之黃

鶯一名倉庚一名商庚一名鶯黃一名楚雀齊
人謂之搏黍當椹熟時來在桑樹皆應節趣時
之鳥或謂之黃袍詩疏仲春之月倉庚鳴月令

春日載陽有鳴倉庚七月倉庚于飛熠燿其羽

東山 覲皖黃鳥載好其音凱風黃鳥于飛集于

灌木葛覃綿蠻黃鳥止于丘隅綿蠻

詩句共矜初聽早誰貴後聞頻韓楊園流好音

選鶯入新年語鶯語太丁寧花妥鶯指蝶

自在嬌鶯恰恰啼怕雨並棲紅杏裏並杜

鶯擲金梭織柳絲唐詩陰陰夏木轉黃鸝王維

晚來枝上千般語似共桃花說舊心齊已鶯雖

為說不分明葉底枝頭謾饒舌白樂天姪姹人

家小女兒半啼半語隔花枝蘇舜欽

古今事實

求友

伐木燕朋友故舊也伐木丁丁鳥鳴嚶嚶出自

幽谷遷于喬木嚶其鳴矣求其友聲相彼鳥矣

猶求友聲矧伊人矣不求友生

金衣公子

明皇於禁苑中見黃鶯呼為金衣公子天寶遺事

往聽黃鸝

戴顓春日携斗酒曰往聽黃鸝聲此俗耳針砭

詩腸鼓吹

古今文集

古詩

聽鶯歌

韋應物

東方欲曙花冥冥啼鶯相喚亦可聽乍去乍來
時近遠纔聞南陌又東城忽似上林翻下苑綿
綿蠻蠻如有情欲轉不轉意自嬌羞兒弄笛曲
未調前聲後聲不相及秦女學箏指猶澁須臾
風暖朝日暎流音變作百鳥喧誰家懶婦驚殘
夢何處愁人憶故園伯勞飛過聲跼促戴勝下
時桑田綠不及流鶯日日啼花間能使萬家春
意閑有時斷續聽不了飛去花枝猶裊裊還棲
碧樹鎖千門春漏方殘一聲曉

聽鶯歌

僧瑩徹

新鶯傍簷曉更悲孤音清吟囀柔枝口邊血出
語未盡豈是怨恨人不知不食枯桑椹不銜苦
李花偶然弄樞機宛轉凌煙霞衆雛飛鳴何跼
促自覘遊鱗啄枯木玄猿何事朝夜啼白鷺長
在汀州宿黑鵬黃鶴豈不高金籠玉鈎傷羽毛
三江七澤去不得風煙日暮生波濤飛去來莫
上高城頭莫下空園裏城頭飢烏拾腥膻空園

燕雀爭泥滓願當結舌含白雲五月六日一聲不可聞

次韻叔父聖謨詠鶯遷谷

黃魯直

鴉舅頗強聒僕姑常勃磈黃鳥懷好音秋菊染春衣嚶嚶求朋友憂患同一枝提壺要酷我杜宇賦式微黃鳥在幽谷韜光養羽儀晴風耀桃李言語自知時先生丘中隱喬木見雄雌引子還綠陰相戒防禍機李杜死刀鋸陳張怨棄遺不如聽黃鳥永晝客爭棋

和魏衍聞鶯

陳無已

春力著人朝睡重葉底黃鸝鳴自送綠幕朱欄日觀明回廊側戶風簾動昨夜春回到寒谷好鳥飛來把脩竹整翰厲觜初一鳴已落君詩專妙獨退紅著綠春事殘後時獨立知何言仰聽不盡已飛去懷抱此時誰與論

律詩

翠樾亭前鶯巢

楊廷秀

仰聽金衣語偶窺鶯婦巢深穿喬木裏危挂弱枝梢啄抱雙雙子經營寸寸茅何時離脫殼新哢響交交

和武相公早春聞鶯 韓愈

早晚飛來入錦城誰人教解百般鳴
春風紅樹驚眠處似妬歌童作艷聲

黃鶯

鄭谷

春雲薄薄日輝輝宮樹煙深隔水飛
應為能歌繫僊籍麻姑乞與女真衣

聞鶯

梅聖俞

最好聲音最好聽似調歌舌更叮嚀
高枝拋過低枝立金羽脩眉黑染翎

黃鸝

王介甫

野花吹盡竹娟娟尚有黃鸝最可憐
姪姀不知緣底事背人飛過北山前

聞鶯

楊廷秀

曉寒顧影惜金衣著意聽時不肯啼
飛入柳陰多去處數聲只許落花知

攝事齋宮聞鶯

歐陽永叔

四月田家麥穗稠桑枝生蕙鳥啁啾
鳳城綠樹知多少何處飛來黃栗留

燕

羣書要語

燕玄鳥也

廣雅

燕乙也

注齊曰燕

梁曰乙

爾雅

燕布翅歧尾作巢避

戊巳日

說文

仲春之月玄鳥至至之日以太牢

祠于高禘月令燕燕于飛下上其音差池其羽

頡之頡之

衛風

大厦成而燕雀相賀

淮南子人

食燕肉不可入水為蛟龍所吞

博物志

燕雀爭

處於一屋之下子母相哺啣啣焉相樂以為安

矣突決上焚棟宇燕雀顏色不變是何也不知

禍之將及也

呂氏春秋

山見白燕則其君生貴

女今俗名燕為天女

京房易占

詩句

袖中有短書願寄雙飛燕李陵願為雙飛

燕銜泥巢君室

文選

旅食雙飛燕銜泥入此堂

應同避燥濕且復過炎涼

雙燕會傍主人

飛 秋燕已如客

檣燕語留人

雨燕集深

條 風簾入雙燕

芹泥隨燕觜

並杜

陶暄逐

風乙 韓捲簾通燕入

后山

燕蹴飛花落舞筵杜

自去自来堂上燕

杜

頻來語燕定新巢杜老屋

無僧燕作家

歐

古今事實

吞乙而孕

簡狄祠于高媒有玄鳥遺卵簡狄吞之生契

詳見

門誕聖

秦之先顓頊之苗孫曰女脩女脩織玄鳥

隕卵脩吞之生大業

並史記

玄鳥司分

郊子云少昊時玄鳥氏司分者也

春分來秋分去左傳

燕蟄河岸

世言燕子至秋社乃去仲春復來昔年因京東

開河岸崩見蟄燕無數晉郗鑒為兗州刺史鎮

鄒山百姓飢餓或握野鼠蟄燕而食之乃知燕

亦蟄耳驚蟄後中氣乃出非渡海也

文昌雜錄

茗溪漁隱曰余曩歲冬間於吳興山中營先壠

闢一山路路傍有數巨石其穴頗深試令僕輩

斲之見鶯燕蟄於其間者甚衆急掩之因驗文

昌之言為是而撫遺之說為非也

殺三乳燕

沛國周氏有三子瘖並不能言有道人來乞飲

聞其兒聲問之具以實對客曰君可還內思過

食頃出日記小兒時當床有燕巢中有三子母

還哺之輒出取食屋下舉手得及指內巢中燕

子亦出口承受乃取三燕藜各與之吞即死母

還不見子悲鳴而去因自悔責客變爲道人曰
君既知悔罪今除矣便聞其子言語周正即不
見道人 宣驗記

詩繫燕足

長安任宗妻郭紹蘭宗賈賈湖湘紹蘭寫詩繫
燕足燕去止于宗肩視之乃妻書也

古今文集

古詩

燕

梁吳筠

一燕海上來一燕高堂息一朝相逢遇依然舊
相識問爾來何遲山川幾紆直答言海路長風
駛飛無力

燕詩示劉叟叟有愛子背叟逃去叟
甚念之叟少年時亦嘗如是故作此
以諭之 白居易

梁上有雙燕翩翩雄與雌銜泥兩椽間一巢生
四兒四兒日夜長索食聲孜孜青蟲不易捕黃
口無飽期觜爪雖欲弊心力不知疲須臾十來
往猶恐巢中飢辛勤三十日母瘦雛漸肥喃喃
教語言一一刷毛衣一旦羽翼成飛上庭樹枝

舉翅不回顧隨風四散飛雌雄空中鳴聲盡呼
不歸却入空巢裏啁啾終夜悲燕燕爾勿悲爾
當反自思思爾為雛日高飛背母時當時父母
念今日爾應知

燕銜泥

韋應物

銜泥燕聲窸窣尾涎涎秋去何所歸春還復相
見豈不解決絕高飛碧雲裏何為地上銜泥滓
銜泥雖賤意有營杏梁朝日巢欲成不見百鳥
畏人林野宿翻遭羅網俎其肉未若銜泥入華
屋燕銜泥百鳥之智莫與齊

律詩

感事

武瓘

瓘初投卷知舉蕭儂賞其有存故
之意遂及第

花開蝶滿枝花謝蝶還飛惟有舊巢燕主人貧
亦歸

燕

李山甫

每歲同辛苦著人似有情亂飛春得意幽語夜
聞聲整羽莊姜恨迴身漢后輕豪家足金彈不
用汚雕楹

烏衣巷

劉禹錫

晉南渡王謝諸名族居秦淮之南

烏衣巷而詩話多言王謝至烏衣

國安也

朱雀橋邊野草花烏衣巷口夕陽斜
舊時王謝堂前燕飛入尋常百姓家

村舍燕

杜牧

漢宮一百四十五多下珠簾閉
瑣窗何處營巢夏將半茅簷煙裏語雙雙

歸燕詩獻庾侍郎

章孝標

舊累危巢泥已墮今年故向社前歸
連雲大厦無棲處更傍誰家門戶飛

絕句

杜荀鶴

我屋汝嫌低不住雕梁畫閣也知寬
大須穩擇安巢處莫到巢成却不安

春興

王元之

閑寫新詩十數篇曉來鋪向竹窻前
無端燕子欺人睡故落青泥污綵牋

燕

王介甫

處處定知秋後別年年長向社前逢
行歲似欲

追時節豈是人間不見容

燕

鄭谷

年去年來來去忙春寒煙暝渡瀟湘
低飛綠岸和梅雨亂入紅樓棟
杏梁閑枕硯中窺水淺落花徑
裏得泥香千言萬語無人會
又逐流鶯過短墻

詩話

燕女墳

宋末娼家女姚玉京嫁襄州小吏衛敬瑜溺水而死玉京守志養舅姑常有雙燕巢梁間一日

爲鷲鳥所獲其一孤飛悲鳴徘徊至秋翔集玉京之臂如告別然玉京以紅縷繫足曰新春定來爲吾侶也明年果至因贈詩曰昔時無偶去今年還獨歸故人恩義重不忍更雙飛自爾秋歸春來凡六七年其年玉京病卒明年燕來周章哀鳴家人語曰玉京死矣墳在南郭燕遂至墳所亦死每風清月明襄人見玉京與燕同遊漢水之濱唐李公佐撰按南史載襄陽霸城王整之姊嫁爲衛敬瑜妻年十六而敬瑜亡截耳守志餘畧同

烏衣國

唐王榭居金陵以航海爲業遇風舟破榭附一板抵一洲見翁媪皆阜服曰此吾主人郎也引至宮室見王坐大殿左右皆婦人王阜袍烏冠金花閃閃翁以女妻榭榭問女曰此國何名曰烏衣國也王召宴於寶墨殿器皿俱黑命玄玉盃勸榭曰入吾國漢有梅成今有足下王命作詩卒章云恨不此身生羽翼王曰雖不能與君生羽翼亦可令君跨煙霧宴歸女曰君詩尾句何相譏也王不悅遣八曰某日當回女取靈丹以崑崙玉盒盛之遺榭曰此丹可召人神鬼死未踰月者可使更生王命取飛雲軒旣至乃烏檀堯子耳令榭入其中閉目少息已至其家梁上雙燕呢喃下視榭乃悟所止燕子國也至秋二燕將去悲鳴庭戶榭書一絕繫燕尾曰誤到華胥國裏來玉人終日苦憐才雲軒飄去無消息淚灑春風幾百回來春燕至尾有小柬乃所寄詩曰昔日相逢冥數合如今睽遠是生離來春縱有相思字三月天南無鴈飛明年燕果不來撫遺

用巢幕事

左氏傳云吳公子札自衛如晉宿于戚聞孫林甫擊鍾聲曰異哉夫子獲罪於君以在此懼有不足而有何樂夫子之在此也猶燕之巢於幕上也襄二十九年夫幕非燕巢之所言其至危也潘岳西征賦云危素卵之累殼甚玄燕之巢幕丘希範與陳伯之書云將軍魚遊沸鼎之中燕巢飛幕之上不亦惑乎盖用此意後人因此言燕事多使巢幕似乎無謂謝宣遠九日從宋公集戲馬臺詩巢幕無留燕遵渚有歸鴻杜子美對

雨書懷詩震雷翻幕燕驟雨落河魚

藝苑雌黃

託燕求退

張九齡在相位李林甫陰欲中之九齡作歸燕詩海燕何微眇乘春亦暫來豈知泥滓賤只見玉堂開樓戶時雙入華軒日幾回無心與物競鷹隼莫相猜林甫知其必退恚怒稍解

明皇雜錄

託燕謝薦

見薦舉詩話門

燕詩見戲

楊德逢號湖陰先生丹陽陳輔浙西佳士也每歲清明過金陵上冢事畢則至蔣山過湖陰先

生之居清談終日歲率以為常元豐辛酉癸亥
頻歲訪之不遇題一絕于門云北山松粉未飄
花白下風輕麥脚斜身似舊時王榭燕一年一
度到君家湖陰歸見其詩吟賞久之曾稱於荆
公公笑曰此正戲君為尋常百姓耳湖陰亦大
笑王直方雜記

百舌

羣書要語

反舌百舌鳥禮疏能反覆其舌隨
百鳥之音易通卦驗仲夏之月反

舌無聲記月令

詩句一家千里外百舌五更頭顧况

古今事實闕

古今文集

古詩

百舌

郭愔御覽

百舌鳴高樹弄音無常則借問聲何煩末俗不尚默

百舌

梅聖俞

一冬常噤默乘春何多舌蒼毛無文章尖嘴若
騰說曉升高高樹百鳥言漏泄只未聞鳳凰有

亦學不徹傷哉古辯士往往遭車裂

百舌吟

劉禹錫

曉星零落春雲低初聞百舌間關啼花樹滿空
迷處所搖動繁英墜紅雨笙簧百轉音韻多黃
鸝吞聲燕無語東方朝日遲遲升迎風弄景如
自矜數聲不盡又飛去何許相逢綠楊路綿蠻
宛轉似娛人一心百舌何紛紜醜顏俠少停歌
聽墜珥妖姬和睡聞可憐光景何時盡誰能低
頭避鷹隼廷尉張羅似不聞潘郎挾彈無情損
天生羽族爾何微舌端萬變乘春輝南方朱鳥
一朝見索寞無言高下飛

律詩

百舌

杜甫

百舌來何處重重祇報春知音兼衆語整翮豈
多身

百舌

張芸叟

學盡衆禽鳴終無自己聲深春喬木底緘口過
平生

百舌

林君復

柳條初重草初肥煙濕園林晚未晞百種堪憐

巧言語一般惟欠好
毛衣欺凌紅杏從頭宿
諷刺黃鸝趁背飛
誰道關關便多事
更能緘默送芳菲
詩話

杜詩有意

山谷云余讀周書月令反舌無聲
讒人在側乃解老杜過時如發口
君側有讒人之句

鷓鴣

羣書要語 鷓鴣臆前有白圓點
背上間紫赤毛其大如小野雞
多對啼嶺南錄

異 鷓鴣雖東南迴翔然開翅之始必先南
南越

志 自呼鈎輶格磔 本草

詩句 坐中亦有江南客
莫向春風唱鷓鴣 鄭谷

古今事實闕

古今文集

古詩

失鷓鴣

梅聖俞

愛玩日已久開籠為馴故
點臆雪花圓連祛浪紋素鈎
輶格磔鳴耗耗翻翁去誰知
煙渚深綠水脩篁處

放鷓鴣詞

柳宗元

楚越有鳥甘且腴朝朝自名爲鷓鴣
徇媒得食不復慮機械潛發罹宜孚
羽毛摧折觸籠藥煙火煽赫驚庖廚
鼎前芍藥調五味膳夫攘腕左右視
齊王不忍齧棘牛簡子亦放邯鄲鳩
二子得意猶念此况我萬里爲孤囚
破籠展翅當遠去同類相呼莫相顧

律詩

聞鷓鴣

張復之

書中曾見曲中聞不是傷情即斷魂
北客南來心未穩數聲相應過前村

戲詠零陵李宗古居士家馴鷓鴣

黃魯直

山雌之弟竹雞兄乍入雕籠便不驚
此鳥爲公行不得報晴報雨總同聲

真人夢出大槐宮萬里蒼梧一洗空
終日憂兄行不得鷓鴣應是鼻亭公
象封有鼻

鷓鴣

韋莊

南禽無侶似相依錦翅雙雙傍馬飛
孤竹廟前啼暮雨汨羅祠畔弔殘輝
秦人只解歌爲曲越女空能畫作衣
懊惱澤家非有恨年年長憶鳳

城歸懊惱澤家鷓鴣之音也

九子坡聞鷓鴣 李羣玉

落照倉茫秋草明鷓鴣啼處遠人行正穿屈曲
崎嶇路更聽鈞鞞格磔聲曾泊桂江深岸雨亦
於松嶺阻歸程此時為爾腸千斷乞放今霄白
髮生

鷓鴣 鄭谷

暖戲煙蕪錦翼齊品流應得近山雞雨昏青草
湖邊過花落黃陵廟裏啼遊子乍聞征袖濕佳
人纔唱翠眉低相呼相應湘江闊苦竹叢深春

日西

侯家鷓鴣 鄭谷

江天梅雨濕江籬此處煙香是此時苦竹嶺頭
歸去日海棠花落舊樓枝春宵思極蘭燈暗曉
月啼多錦幕垂惟有佳人憶南國慙慙為爾唱
愁辭

鳩

羣書要語

勃鳩自關而東謂之郎畢秦漢之
間謂之鷓音鳩其大者謂之班鳩

或謂之佳鳩方言鳩鳩注今之布穀江東

呼為撥穀尔雅一名鶻鶻同上宛彼鳴鳩疏佳

陽人謂之班佳也詩維鵲有巢維鳩居之召南

于嗟鳩兮無食桑椹詩仲春鷹化為鳩記月令

季春鳴鳩拂其羽同上羅氏仲春羅鳥獻鳩以

養老周禮天欲雨鳩遂婦俗諺進雄鳩之耿耿

兮讒分而蔽之楚辭

詩句鳴鳩喚雨來文粹鳩鳴暮求羣韓瘦頸開

鳩韓晴鳩却喚雨山谷鳴鳩乳燕青春深杜

古今事實

五鳩

剡子云少皞時祝鳩氏司徒者也鶻鳩氏司事

者也五鳩聚民者也左傳

獻鳩而放

邯鄲人正旦獻鳩於趙簡子厚賞之客曰正旦

放鳩厚恩也得賞競捕之不如勿賞簡子曰善

孔叢子

元旦放鳩

滎陽有厄井沛公避項羽處時雙鳩集井上故

漢世正旦放之漢地理志

白鳩表孝

鄭弘遷臨淮太守郡民徐憲在喪致哀白鳩巢戶側弘舉為孝廉朝廷稱白鳩郎會稽典錄

畜鳩馴擾

傅咸曰余舍傍種楸成林閑居班鳩聲音可悅於是捕而畜之既而馴擾偶出之籠無何失之其後時時一來飛翔聊為之賦鷄賦序

鳩化金鈎

京兆長安有張氏獨處室有鳩自外入止于床

張氏患之祝曰鳩來為我禍耶飛上啄塵為我福耶來入我懷鳩飛入懷以手探之則不知鳩之所在得一金帶鈎焉是後子孫昌盛蜀客聞之厚賂婢竊鈎以與張既失鈎漸漸衰耗蜀客亦窮厄或告之曰天命也不可以力求於是齋鈎以反張氏張氏復昌故關西稱張氏鈎云

搜神記

贈鳩投好

毛傳好食鳩人與己相得必以鳩贈之一日李翱送十二籃好事集

古詩

鳴鳩

歐陽永叔

天將陰鳴鳩逐婦鳴中林鳩婦怒啼無好音天
 雨止鳩呼鳩婦鳴且喜婦不亟還呼不已逐之
 其去恨不早呼不肯來固其理吾老病骨知陰
 晴每愁天陰聞此聲日長忽睡不可得遭爾聒
 聒何時停衆鳥笑鳴鳩爾拙固無匹不能娶巧
 婦以共營家室寄巢生子四散飛一身有婦長
 相失夫婦之恩重泰山背恩棄義須臾間心非
 無情不得已物有太拙誠可憐君不見人心百
 態巧且艱臨危利害兩相關朝為親戚暮仇敵
 自古常嘆交道難

代鳩婦言

歐陽永叔

班然錦翼花簇簇雌雄相隨樂不足抱雛出外
 翅羽成豈料一朝還反目人言嫁雞逐雞飛安
 知嫁鳩被鳩逐古來有盛必有衰富貴莫忘貧
 賤時女棄父母嫁曰歸中道舍君何所之天生
 萬物各有類誰謂鳥獸為無知雖無仁義有情
 愛苟聞此言寧不悲

二詩又見梅
死陵集中

啄木

羣書要語

鴝斷木也爾雅啄木大如雀喙足背青色正青翠舌長寸秒有刺針

異物志

古今事實關

古今文集

雜著

啄木詞

歐陽永叔

木皇司春兮物熙以春芽者斯勾兮甲者斯萌

物賴皇兮榮以欣翳有蟲兮甚不仁穴皇木兮羣以聚穴不已兮又加咀皇木病兮窳將深皇心測兮傷爾蝎彼鴝兮善啄吾利汝啄兮飢汝腹飛以鳴兮啄且食蟲不盡兮啄莫息山之麓兮水之濱皮堅節癭兮龍甲蛇鱗節流膏兮吻流血百不一兮徒飢渴蠹日滋兮鴝日苦哀謁皇兮披雲路雲之際兮不可見託歸風兮仰訴苦初三皇兮甚仁惠憐民愛物使兩遂穴民處兮鮮民食穴不棟梁兮鮮不薪米其求甚少兮給之孔易野鬱鬱兮山蒼蒼土有毛髮兮山有

衣裳金不輔治兮器刃不芒木至老朽兮不見
蓄殃聖萌機兮五財利贍有足兮生不匱蔽風
避濕兮脩容威廟祭室寢兮猶無異爲帝何思
之不熟兮忽生般而興倭丹髹之不已兮又以
雕幾斜鈎曲闔兮華照欄梯高構險兮目睛眩
地禿而赭兮山禿而寒材者傷死兮生者力殫
一躬之庇兮一林夷族偶龍木馬兮重閭陰屋
皇民暴嗇兮驅之以朴噫智巧兮誰爲是旣紛
紛而不止工蠹則大兮蟲蠹則小補小縱大兮
將何謂皇惜木兮雖甚恩臣利食兮啄徒勤蠹
未入口兮工至其根與其啄蠹能盡死不如得啄
匠手使不堪於斧斤

古詩

啄木詩

晉傅玄

啄木高翔鳴喞喞飄搖林薄著桑槐緹綠樹間
喙如佳嚶嚶嚶聲正悲專爲萬物作倡俳當
此之時樂不可迴

啄木歌

王元之

淮南啄木大如鴉頂似仙鶴堆丹砂背長數寸勁
如鐵丁丁亂鑿乾枯楂黃柑紅桃多有蠹受命鳳

鳳須破柱何當更與繡衣裳羽族橫飛作持斧

啄木詞

張文潛

紅錦長條當背垂紫檀槽穩橫朱絲美人亭亭
面如雪纖手當弦金捍撥彈成丁丁啄木聲春
林蔽日春晝晴徘徊深枝穿翠葉玉啄勞時還
暫歇深園斷嶺人不知中有槎枒風雨枝蠹多
蟲老飽可樂山靜花深終日啄雄雌相求飛且
鳴高枝礪觜枝有聲無功忍使飢腸飽有意却
教枯樹青疾彈如歌細如語曲欲終時情更駐
一聲穿樹忽驚飛葉動枝搖不知處

律詩

啄木鳥

魏野

爪利觜還剛殘陽啄更忙千林蠹如盡一腹餒
何妨形小過槐陌聲高近草堂豈能同燕雀惟
解占高梁

啄木謠

唐陳標

丁丁向晚急還啼啄徧庭前未肯歸終日與君
除蠹害莫嫌無事不平飛

雀

鷦鷯附

羣書要語

雀依人小鳥也 說文 雀一名嘉賓
言栖宿人家如賓客也 雀豹古今

注 季秋雀入大水化為蛤 月令 誰謂雀無角何

以穿我屋 行露 萬雀不能抵一鷹抱 朴子 突決

棟焚燕雀不知 呂氏春秋 大厦成而燕雀賀 淮

南子 明珠彈雀貴不當也 太玄經

鷦鷯 肇允彼桃蟲 䟽今鷦鷯微小黃雀也 郭璞

曰自關而東謂之工雀 一名巧婦 周頌 鷦鷯巢

林不過一枝 莊子

詩句 籬雀暮喧繁 鳥雀依茅茨 鳥雀聚枝

深 啾啾窻間雀 得食堦除鳥雀馴 宮殿

風微燕雀高 並杜

古今事實

探雀鷖

齊景公探雀鷖鷖弱反之晏子再拜曰吾君有

聖人之道矣君探鷖鷖弱故反之是長幼也禽

獸若此而况人乎 晏子春秋

黃口貪食

孔子見羅雀者所得皆黃口小雀曰大雀善驚

而難得小雀貪食而易得 家語

王孫彈雀

莊辛謂楚王曰夫雀俯啄白粒仰栖茂樹鼓翅奮翼自以為無患不知夫公子王孫左挾彈右攝丸以加其頸也戰國策

羣雀相呼

揚宣為河西太守行縣有羣雀鳴桑樹上宣謂吏曰前有覆車粟此雀相隨欲往食行數里果有覆車粟益部耆舊傳

雀鳴復官

圉人魏尚高帝時為太史有罪繫獄有萬雀集

獄棘樹上鳴尚曰雀爵命之祥我其復故官也

有頃詔復故官陳留耆舊傳

雀占其貴

潘樂初生有一雀止其母左肩占者咸謂富貴之徵因字相貴北史

雀食好妨

開元間幽州長史張守珪界內好妨蟲食田稼蔓延入平州俄頃有羣雀來食此蟲一日食盡平州稼穡無有傷者唐書

古詩

空城雀

羅引

雀入官倉中所食能損幾所慮往復頻官倉乃
害爾魚網不在天鳥網不張水飲啄要自然何
必空城裏

野田雀

僧貫休

高樹風多吹爾巢落蒿深葉暖宜爾依泊莫近
鶚類蛛網亦惡飲田野之清水食田野之黃粟
深花中睡勃一作浮土裏浴如此即全勝啄太倉
之穀而穿人之屋

律詩

寒雀

楊廷秀

百千寒雀下空庭小集梅稍話晚晴特地作團
喧殺我忽然驚散寂無聲

東窻梅影上有寒雀往來

楊廷秀

梅花寒雀不須摹日影橫窻作畫圖寒雀解飛
花解舞君看此畫古今無

雜著係鷓鴣

鷓鴣賦

張華

鷦鷯小鳥也生於蒿菜之間長於藩籬之下翔集尋常之內而生生之理足矣色淺體陋不為人用形微處卑物莫之害繁滋族類乘居匹遊翩翩然有以自得彼鷺鷥鷓鴣鴻孔雀翡翠或陵赤霄之際或託絕垠之外翰舉足以冲天背距足以自衛然皆負繒嬰繳羽毛入貢何者有用於人也夫言有淺而可以託深類有微而可以喻大故賦之云爾

何造化之多端兮播羣形於萬類惟鷦鷯之微形兮亦攝生而受氣育翩翩之陋體兮無玄黃

以自貴毛弗施於器用兮肉不登乎俎味鷹鷂

之過猶傾翼兮

鷺鳥以其小猶傾翼而過

尚何懼於量尉翳

蒼蒙籠是焉遊集飛不飄颺翔不翕習

也急疾其

居易容其求易給巢林不過一枝每食不過數

粒棲無所滯遊無所盤匪陋荆棘匪榮菹蘭動

翼而逸投足而安委命順理與物無患伊茲禽

之無知兮何處身之似智不懷寶以賈害兮不

飾表以招累靜守約而不矜動因循以簡易任

自然以為資無誘慕於世偽鷓鴣介其背距鴻

鵠軼於雲際鷓鴣竄於幽險孔翠生乎遐裔彼

晨鳧與歸鴈又矯翼而增逝咸美羽而豐肌故
無罪而皆斃徒街蘆以避繳終為戮於此世蒼
鷹鷲而受縶鸚鵡慧而入籠屈猛志以服養塊
幽繫於九重變音聲以受旨思摧翮而為庸戀
錫^子_成之林野慕壠坻之高松雖蒙幸於今日未
昔之從容海鳥鴛鴦隨風而至條枝國名
踰嶺自致提挈萬里飄飆逼畏夫惟體大
妨物而形瑰足瑋也陰陽陶蒸萬品一區巨細
舛錯種繁類殊鷦螟巢於蚊睫大鵬彌乎天隅
將以上方不足而下比有餘普天壤以遐觀吾
又安知其小大之所如

黃雀

羣書要語

黃雀體絕肥江夏竟陵常獻給大
官廣雅

詩句黃雀飽野粟杜

古今事考實

黃雀銜環見報恩門

黃雀在後

吳王欲依刑有諫者死舍人少孺子懷丸操彈

於後園露沾衣王怪之對曰園有榆上有蟬蟬
高居悲鳴飲露不知螳螂在其後螳螂之捕蟬
而不知黃雀在其後臣執彈丸欲取黃雀不覺
露霑衣如此皆務欲得於前不顧於後患吳乃
罷說苑

孝感黃雀

王祥後母病欲得黃雀炙祥思念卒難致須臾
有數十黃雀飛入其幕

古今文集

古詩

謝張泰伯惠黃雀鮓 黃魯直

去家十二年黃雀慳下筋笑開張侯盤湯餅始
有助蜀王煎藪法醢以羊羝兔麥餅薄似紙含
漿和鹹酢秋霜落場穀一一挾蠶絮飛飛蒿艾
間入網輒萬數烹煎宜老雉罌缶煩愛護南包
解京師至尊所珍御玉盤登百十睥睨輕桂蠹
五侯噉豢豹見謂美無度瀕河飯食漿瓜菹已
佳茹誰言風沙中鄉味入供具坐令親饌甘更
使客得與蒲陰雖窮僻兔作三年住願公且安
樂分寄尚能屢

野田黃雀行

李白

遊莫逐炎洲翠樓莫近吳宮燕
炎洲逐翠遭網羅吳宮火起焚其巢
蕭條兩翅高蓬下縱有鷹鷂柰爾何

黃雀

蘇子由

秋風下黃雀飛禾田熟黃雀肥
羣飛蔽空日色薄逡巡百頃未爲稀
翾翻巧捷多且微精九妙繳舉輒違乘
時席勢不可揮一朝風雨寒霏霏
肉多翅重天時非農夫舉網驚合圍
懸頸繫足膚無衣百箇同缶仍相依
頭顱萬里行不歸北方居人厭羔豨
咀噍聊發一笑歎

李聖俞郎中求吾家江西黃雀鮓法

戲作醯經遺之

楊廷秀

江夏無雙小道士一丘一壑長避世
裁雲縫霧作羽衣蘆花柳綿當袈裟
袂身騎鴻鵠太液池脚踏金臺攀桂枝
渴飲南陽菊潭水飢啄藍田粟玉芝
今年天田秋太熟紫皇遣刈神倉穀
一雙鳧鳥墮雲羅夜隨弋人卧茅屋
賣身不直程將軍却與彭越俱策勲
解衣戲入玉壺底壺中別是一乾坤
水精鹽山兩岐麥身在椒蘭衆香國

玉條脫下澡凝脂金叵羅中酌瓊液平生學仙
不學禪剗心洗髓糟床邊諸公俎豆驚四筵猶
得留侯借箸前昔為飛仙今酒仙更入太史滑
稽篇

律詩

送呂嘉問出守

王介甫

黃雀好頭顱常行萬里餘想因君出守暫得免
苞苴

黃雀鮓

朱元晦

黃雀飛鳴處交交異竊脂

桑扈名切脂蓋稻梁以不食穀得名

求易足羅網去何遲味厚資備嗜謀疎闕自為
韓彭尚菹醢么麼爾誠宜

新編古今事文類聚卷之四十五

後集



